

LA CONTA DI RATTE SAINT-PIERRE (YVETTE CHENTRE)



Padze 1

Eun passèn dézò la CLEENDA, eun RATTE s'è rachà la PI.

Padze 2

Lo ratte va eun tchi lo CORDAGNÌ é lèi di :

« Cordagnì, soplé, remenda-mé la pi que dz'i rachà eun pasèn dézò la cllenda ! ».

« Ma ouè, cheur ! » lèi repòn lo cordagnì « Ma pe hen lé mé dz'i fota de la SÈYA di gadeun ».

Padze 3

Lo ratte va eun tchi lo GADEUN é lèi di :

« Gadeun, soplé, bailla-mé de sèya pe lo cordagnì ».

« Ma ouè, cheur ! » lèi repòn lo gadeun « Ma pe hen lé mé dz'i fota de la FAENNA ».

Padze 4

Lo ratte va eun tchi lo MELEUN-Ì é lèi di :

« Meleun-ì, soplé, bailla-mé de faenna pe lo gadeun ! ».

« Ma ouè, cheur ! » lèi repòn lo meleun-ì « Mi pe hen lé mè dz'i fota di GRAN ».

Padze 5

Lo ratte va veure lo TSAN é lèi di :

« Tsan, soplé, bailla-mé de gran pe lo meleun-ì ! ».

« Ma ouè, cheur ! » lèi repòn lo tsan « Ma pe hen lé mé dz'i fota de la DREUDZE ».

Padze 6

Lo ratte va eun tchi la VATSE é lèi di :

« Vatse, soplé, bailla-mé de dreudze pe lo tsan ! ».

« Ma ouè, cheur ! » lèi repòn la vatse « Ma pe hen lé mé dz'i fota di FEN ».

Padze 7

Lo ratte va veure lo PRO é lèi di :

« Pro, soplé, bailla-mé de fen pe la vatse ! ».

« Ma ouè, cheur ! » lèi repòn lo pro « Ma pe hen lé mé dz'i fota de l'EUE ».

Padze 8

É lo ratte va veure lo RU é lèi di :

« Ru, soplé, bailla-mè d'eue pe lo pro ! »

Padze 9

Adón lo RU baille d'EUE i RATTE que la porte i PRO ;
é lo PRO lèi baille de FEN que lo ratte porte a la VATSE ;
é la VATSE lèi baille de DREUDZE que lo ratte porte i TSAN ;
é lo TSAN lèi baille de GRAN que lo ratte porte i MELEUN-Ì ;
é lo MELEUN-Ì lèi baille de FAENNA que lo ratte porte i GADEUN ;
é lo GADEUN lèi baille de SÈYA que lo ratte porte i CORDAGNÌ ;
é lo CORDAGNÌ lèi remende la PI que lo RA s'î rachà eun passèn dézò la CLEENDA !